

黔陽縣志卷三十二

政績略二

縣令親民實有教養之責而學官教士崇文要爲得民之本政績所賴以成顧不綦重哉紀政績因以儒學次焉

儒學

宋 教授單銓本邑人寶慶四年始立縣學置教授一人銓爲之首修縣治記銓所書也

詳儒宿傳

明 教諭李奎江西金谿舉人

通志府縣舊志均作弋陽人

永樂中任學行夔

異官終大理寺少卿

盧瓛廣東歸善舉人宣德中任勤於教課士類懷之

熊本四川人天順間任勤於其職修理明倫堂

陳侃海鹽舉人天順間任訓導勤於誨迪生徒感之

黔陽縣志

卷第三十二 政績二

一

萬弼四川崇慶舉人成化中任教諭嘗修勤教堂課士不倦

國朝 教諭榮大順長沙舉人乾隆十一年任博學多聞樂接引

後進縣學初自城西移此身任選建之勞學中梧桐皆其手植

袁淑先桂陽舉人乾隆三十二年任教士甚勤學侶雲集古龍標

山坊額其手蹟也

訓導陳朝汲瀏陽舉人與袁淑先同任縣士知以經義爲文自朝

汲始唐廷佐陳超羣危元福先後領解皆得二學師指授至今黔

士猶樂道之

已上九人皆據教澤堂黃本驥所刊宦蹟碑並張志錄入

黃本驥號虎癡甯鄉縣舉人道光十七年任教諭建教澤堂修聖

宮製樂器表揚節孝勤恤寒畯先後與龍令光甸楊令國棻爲邑

興利除害發微闡幽凡有關名教有益學校者皆實力舉行生平

好學嗜古在任著有三長物齋

謂藏有古金石古琴輒古刀布爲三長物也

叢書考据

詳贍在官最久今邑多其遺蹟詳見工書禮書各門去思碑云民知敬學士

重躬行蓋紀實也

張克聰字虞門乾州廳貢生咸豐九年任教諭廉介不苟取護持士類教訓有方時江南軍務旁午當事深器其人檄催赴水師營屢辭不獲吳平回任一年以疾辭歸卒於家邑士歆歔感慕不忘志曰師道立則善人多學校廢而流品雜伊古以來家塾黨庠各有師而又有師儒之官以董教之其所以作育人材者意深且厚特膺是任者患無以盡職耳黔陽自宋迄今師範教澤少有可紀論者輒謂位輕不得行其志然陸清獻不云乎胡文定曹月川何人也人能自振拔豈論位耶噫由是言觀之可知所嚮矣